



序

錢振鐸

姊幼名應貞長名希字夢龜生同治壬申

三月十日

四日長振鐸三歲幼同學讀生書振鐸七十徧姊必百徧讀益急稍長振鐸學詩則亦學詩姊志勇猛一日作律賦先君子以姊學儉禁不得作姊感而泣遂益治詩姊性誠篤壬辰三弟杏寶殤尤哀急積年章句漸成新意間作親姻之間有才女名振鐸初學詩頗近公安又染於竟陵姊亦效之先君子戒之不能改故多纖薄少可傳學書極

雲在軒詩集

序

勤然幼誤師訓以指尖捉筆指繭而書不成年二十五適同邑廩生蔣南棠樹森爲繼室家貧樹森楚游姊恒悽悒庚子歲末樹森病自楚歸一夕卒姊不食數日先妣強之乃稍進後姊自述不食過三日則腹痛云樹森既葬姊自墓歸思縊于轎意至某橋縊不晚詎昇者改道倏見南城門遂不及縊一子細樹七歲癸卯七月以急驚死姊益不欲生會逢大母壽姊不赴壽擬過壽日死及是遂吞藤黃無算大嘔泄竟不死初振鐸學亂于妻

黨卜氏然振鐙自乩絕不靈惟姊與潘氏表妹及
妹永乩則仙女多至有何紫雲魏靈雲何澄雲李
蕙雲諸名清詞好句如明珠蘭雪自古神仙未嘗
有也細樹死姊益無以爲生而得道家金仙證論
于妻黨楊氏書言鍊氣過關之法姊一見自謂能
之學一月幾死語詳前所撰女兄奇疾記旣不死
姊亦自悟曰向者太汲汲學道貴勿忘勿助時至
自成耳今而後可以無過矣旣而告我曰吾乃知
呂純陽邱長春命名皆有意也吾自服氣體温常

雲在軒詩集

序

一一

如蒸豈非長春純陽之說與又言學道非好勝者
不成不好勝則中道而反矣予喜曰古人謂猛將
成佛在人先其姊之說耶姊又言學庸老易莊周
參同契近思錄一而已所讀書無不破壞至是則
曰我但治心內治則外不治可也某歲振鐙自京
師函王弼州曇陽大師傳以歸後面姊姊言曇陽
始終爲魔所困魔與道極難分總之意無偏無欲
速魔乃不侵姊自夫歿後居吾家時多至是別賃
吾家西鄰梅氏小屋與吾家穿一穴相通穴僅過

人振鐙暇則過穴視姊姊見人默默多閉目粹然
有道之容服氣畢則亦澆花種菜或過穴省父母
或一入城省姑自言成道在謹候時耳時至勿失
暫輟坐無害也當時人皆以其言近理白日升舉
可致然姊年三十餘而髮漸白心固疑之姊素仁
厚愛放生憫窮人惜物力嘗言五穀者三才之精
也可不寶乎兒子輩買餉無節振鐙責之姊曰賣
餉人正窮苦我每日午聞其鳴小鑼聲淒急蓋其
腹飢也兒用錢正以活此曹勿過責其言寬而愛

雲在軒詩集

序

三

人如此振鐙視當世不欲仕宦姊言作官可爲善
勿視官爲惡物也丙午先君子歿姊哭盡禮亦
不盡守其服氣時度也無何歲己酉七月姊自謂
期至端坐不食不言予等初猶疑信半旣而中夜
獨自與人問答皆神仙也乃大懼之而姊晝輒閉
目堅坐不復應人與之論理百方譬曉如中木石
振鐙意姊素好名持姊詩讀且歎亦不顧或出語
則竟病顛蓋至是而知其非仙矣其顛語十倍于
前作奇疾記亦不勝述矣亡何又患耳中人語又

幾年忽自謂前生爲某宦殤女某宦不住鄉則烹
臆具禮走其族之門希其一見納爲閨人麾不恤
蓋至是而性情全變非復從前學詩清高時矣不
復讀書下筆輒不通詩稿自忘失輒疑人盜取又
自竇其字蹟雖紙角惟恐人盜賣之往往憤發切
齒聒聒不已先妣亦憾之行路帶弓箭親戚攢
眉嗟乎從古才賢婦女其遇未有若吾姊之窮者
也節孝孤貧世多有然性情自在也若姊靈明喪
失取人憎惡雖處天之下地之上不復爲日月光

雲在軒詩集

序

四

明所照豈不大哀耶豈非從古才賢婦人所未有
之厄耶雲在軒者姊所以名詩也姊詩數刊而無
序故爲述焉

以上前刻舊序以下庚午四月續方

病發先妣強姊歸自梅屋姊故居室斗大又不
收拾如鳥巢其後振鐙乃以姊財更賃梅氏隙地
築室七架視舊室三倍然不復能過穴相通姊居
之爲巢如故日三食於我夜必出大門返於梅雷
霆冰雪皆如此十年矣今年振鐙頗糞除其故居
期姊返於我然我意不誠竟不果嗟哉振鐙天性

至薄竟使吾姊死於梅屋卻食一日斷氣一宿病
發吾不省視夜來苦難吾不知覺孤獨一室既無
親戚又無婢妾嗚呼使姊如此而死我復何必于
人前談仁義說孝弟乎但願他日死于道路不然
無以見姊於地下

雲在軒詩集

序

五

雲在軒詩集卷一
陽湖錢希夢龜著

弟振鏗校

蘇絲春晴

爲憐清景上高臺
綠樹沉沉霧漸開
花落有聲知
雨重絮飛無影覺
雲來溪邊乍長篙
水檻外新
添一砌苔小院
乍晴豁雙目鶯催嫩日照林隈

偶成

晝卧空堂夢乍回
小窗一帶向池開
招涼不用芭
蕉扇時有荷風入檻來

雲在軒詩集

卷一

卽景

院落無風起窗開
不覺涼蟬聲當暑
急蛩語近秋
忙萬點槐花細千條
柳帶長綠陰多處
立猶自戀
斜陽
滿耳瀟瀟響深闈
獨坐時天寒蟲入幕
夜迴雁催
詩燈靜生花易風
輕落葉遲綺窗人
寂寂絡緯競
繅絲

初秋寄淡如表姊

春去秋來節閒花
傍砌隈天高山更遠
雲細雁初

來別意書難盡愁心擺不開思君掃蘿徑來飲菊

花杯

春殘

書長無一事睡醒倚窻紗雨過天連水春殘路在
花綠蕪看走馬疏柳帶棲鴉最愛新晴景溪頭日
欲斜

寄表妹坤保

雲散溪光碧秋花雨後開樹凋稀鳥至果熟看猿
來短竹遮烟徑長楊掃綠苔懷君隔江渚何日共

雲在軒詩集

卷一

銜杯

午後

午後夢初覺推窗對瀑泉鳥聲紅樹外人影綠楊
邊幽竹寫清水秋雲畫碧天山中逢八月佳景喜

澄鮮

夜坐

挑燈獨坐思徘徊雨歇山中戶不開鳥語夜窗知
月上蟲吟古壁覺秋來忽驚樹影生簾幙時有螢
光點砌苔一院風收人寂寂吟詩未就漏頻催

長夜夢易醒西窗不肯明
烏啼風始息更盡月猶清
室暗鼠行響覺來人睡聲
此時寒入骨倚枕聽鷄鳴
不華十五夜望月蘇東坡詩
蘇東坡詩
一帶樓臺松竹中
近池水氣入簾櫳
雁聲過遠山靜樹影生
時萬景空雪白波光寒
有霧蔚藍天色夜無風
人間有此琉璃界何羨
姮娥住月宮

雪在軒詩集

卷一

三

寂寂瓶梅影一枝深宵獨坐寫新詩
不知窗外亂飛雪但覺冰凝滿硯池

有感

一生心事費思量
寂坐空堂百感來
目有千秋難下筆
胸無萬卷敢稱才
四時長在忙中度
一歲俄從暗裏回
愁聽瀟瀟窗外雨
挑燈寒夜獨徘徊

偶成

開簾覽寒色閒望一
支頤潭水凝冰
早牆高見月遲
星明人靜後
樹暗鳥回時
獨向空階立
超然無

所思

除夕

夜深薄醉上樓臺，星斗稀微一歲回。
詩稿未將除夕賦，鄰雞已報早春來。
滿城爆竹催寒盡，一盞燈花逼曙開。
老幼不知更甲子，四筵歡笑尙銜杯。

元日口占

將曙天光變，輕雲半不開。
嫩霞明屋角，乳鵲噪林隈。
殘歲辭人去，新春帶雨來。
一宵天氣暖，催破幾枝梅。

雲在軒詩集

卷一

偶成

計入新年已數旬，堪邊古柳未含新。
曉來猶怯東風冷，細草無花雪作春。

早起

早起捲簾籠樓頭，日未紅烟生波色上。
風在柳絲中地狹，花當路天清鳥滿空。
臨階羅袖冷春霧碧濛濛。

學書

學書清早起，初日照軒楹。
一案碧花影，四檐幽鳥

聲滴階春露重拂面曙風清久坐南齋裏渾忘萬
籟鳴

寒食

倚檻望平野山頭乍放晴草濃飛細蝶花密聽流
鶯雨過春雲嫩風收曙水清眼前韶景好來日卽
清明

卽景

長空竟日雨濛濛花落階心片片紅小妹也知春
可惜窗前閒立罵東風

雲在軒詩集

卷一

五

幾閒樓閣傍溪隈日上窗紗四扇開芳草極天波
影綠一舟輕載水鴉來

偶成

欲作新詩處處題隔簾山色隔窗溪桑林綠長蠶
眠畢山樹青邊麥秀齊十里草長多蝶舞一年春
盡少鶯啼嗟予苦學陰長惜愁看牆頭日又西

夜半

四圍人語靜寂寂掩房櫺滿院春殘雨高樓夜半

風

卽景

深鎖籬門長綠苔木香一架傍檐開曉來怪底窻
紗碧日色多從葉裏來

乍寒乍暖落花時晴日臨窗睡起遲樓上一宵閒
聽雨曉來望見隔村溪

閒步

閒步園亭覽物華驚心時節暗吁嗟一年春盡無
佳句鎮日風來有落花桐葉綠成天乍暖蕉廊靜
處日初斜此間山近來人少一帶林塘鳥作家

雲在軒詩集

卷一

曉窗

曉窗清絕繡簾垂拂拂輕風動柳絲山月未斜天
已曙鳥聲枕上聽多時

暮春

寂寂殘花落水邊濛濛山氣滿窗前雨聲一夜催
春去野草無邊綠上天

卽事

自喜家居傍水隈碧松修竹繞池臺紅蓮幾見花
開謝已聽秋聲上樹來

無雨

歷歷青松作夏寒
絲絲楊柳拂欄干
野田一碧久
無雨水淺蓮花開土灘

三弟杏保不

哀

三

弟

杏

保

不

哀

三

弟

茫茫大造最無情
驀地狂飈慘不平
嘆我連宵空
露禱憐君一病竟
長行聰明不享生前福
書畫惟留死後名
怪汝神明宜大壽
此生何自竟無成
憐君此別意
何如清夜迢迢淚
眼枯膽小轉投羣
鬼穴魂靈好認自家廬
紙錢長化知收否
樽酒空

雲在軒詩集

卷一

七

斟解飲無姊弟有緣應再續
慈雲大士好吹噓

尋常朝出夜歸遲
舉室猜疑多所思
何況而今悲

死別那堪從此見
無期嬌癡小妹尋
兄泣樵樵雙

親遇物悲汝在一家多笑樂
於今寂寞竟如斯

十二年間夢一場
回思往事更堪傷
人間珠樹陰

先缺天上花枝壽不長

三弟生時母夢人授杏花

一枚裨帖親摩書宛在
才名未就汝先亡
最傷大

母扶棺哭猶喚魂歸更斷腸

秋月春風醉飲時
從今歲歲繫人思
灌花汲水起

常早爲我鈔詩睡每遲好看雲巒登小閣戲摩畫
稿背巖師此中最有難忘處樹下聯吟燈下棋
風吹遍地紙灰寒盡日悲君淚不乾遺稿空留佳
句在畫圖已作古人看才多弱歲遭天忌性擘同
儕哭舊歡嗟我者番嘗慘况願將身世付蒲團

少小年華事事奇天生聰慧少人知病中已覺精
神減枕畔仍教筆硯隨恍聽書聲猶在耳自成畫
法不須師眼前一樣蓬萊月君果天涯何所之
三弟近作詠月詩云遙望蓬萊月天涯處處明

雲在軒詩集

卷一

八

愁到心傷淚盡晨眼前事事厭紅塵始知自古仙
和佛盡是人間失意人

有恨

屋內閑居氣不舒終年困死恨何如西湖明月滿
湘雨未下今生見得無

贈安生表妹

千秋才女譽羨爾獨無虛俊爽誰能及聰明我不
如草書同輩少佳句古人無自別長相憶何時共

讀書

春日偶成

輕雨輕晴春色濃
小樓獨自捲簾櫳
新花明媚千枝露
細柳玲瓏八面風
幾樹青松分日影
一池綠水寫天容
惟嗟近日題詩懶
有負身居好景中

游寄園作

時已遷居

一從移舍出雲煙
不見園亭已半年
壁上字多經雨淡
池中水盡到春添
摩挲桃杏情如舊
檢點林塘色可憐
滿地落花人寂寂
野禽飛向小窗前
照眼風光宛去年
藕塘潏潏草鮮鮮
繁花似帳香

雲在軒詩集

卷一

九

成海細柳如雲綠
半天長短鳥聲皆
入聽高低山色總
堪憐嗟余欲別心
難捨無限沉吟夕
照邊

改詩

寂寂窗前坐
推敲到夜闌
不因尋句苦
只爲改詩難
體要通篇合
韻求到底安
千秋還一笑
未必有人看

有感

溪柳侵窗水滿池
天涯又是落花時
枝頭有鳥如堪語
夢裏逢人也論詩
覓句聊酬三月暮
讀書已

悔十年遲愁看多少牙籤在大半前人我未知

晚眺

雲閑天淡柳朦朧
汨汨溪泉響晚風
山月欲明人漸少
數星青點落霞中
晴窗扇扇對花溪
時值清明萬景齊
細柳無風還錯落
春雲不雨也淋漓
鷗來水面魚苗散
人到花間鳥語低
更喜芳晨新病起
好將佳景作詩題

春深

雲在軒詩集

卷一

十一

柳條拂地草初齊
花自無聊鳥自啼
雨過林塘紅淺淡
春深山水綠高低
竹稍葉密初遮日
花子芽殘悔養雞
莫道近來無好景
海棠紅藥盡詩題

春去

野風和暖草芊芊
春去山園最可憐
畫閣簾開新雨後
草堂門掩落花天
幽溪荷葉疏
碧空裏鱗雲片片
鮮斜照半郊人
不見玻璃窻下聽流泉

到寄園

空廊惟住鳥
虛室自生風
林葉入簾碧
藤花盤樹

紅推窗行竹裏移石坐亭中惆悵長居地今來只

暫逢

余病後雖暫不藥尋熱渴甚猶謂昏浪相懸

眼空即事羣鷺豈藏羞坐金簾天階前不好

青山一帶傍閑居賞月吟風樂自如六月全家移

水上藕花香裏話西湖

猶復感昔陽年來自笑原

平爽年光

春光真是箭又見桂花開禪味愁中得名心病後

來好書通夜讀舊草任情裁除此身無事山泉飲

幾杯

幾杯錄錄

雲在軒詩集

卷一

十一

藥林寂寂

藥林寂寂

寂寂花將老蕭蕭秋又殘有閑臨水坐無事借書

看淚爲古人落心因時事寒幸余居世外終歲得

平安

平安

推窗始覺笑顏舒不出房櫺半月餘重覽溪山增

朗秀偶親筆硯覺生疏幸生全賴天相佑乙未秋

大疫余患病數月不藥居然病易除記得那時愁

欲絕窗前怕讀問安書

閒向林塘步一回病餘正值桂花開詩情原在新
秋得悟境多從清夜來萬事靜思都有數此生何
必恨無才不如且盡眼前樂明月當頭酌幾杯常
夢中得句足成之

一任軒窗清晝長讀書猶復戀斜陽年來自笑原
無事我有人間閒處忙

夢中句

來無題思詩漫書

積水汪汪絕點埃一城直欲變蓬萊人家半若溪
中宿野舫多從岸上來嫩日行天猶覺暗潮雲帶

雲在軒詩集

卷一

三

雨未全開書窗涼潤風蕭瑟似此炎天有幾回雷
偶成

夢上碧雲天題詩句亦仙幾叢雲似石一片水如
烟玉女惟餐菓仙家不記年醒來無限思花影在
窗前

落筆

雪氣梅芬自可親天涯又是待春新書當得意常
留篋花爲親栽惜與人落筆便含身後想苦吟不
負眼前貧惟嗟句少湖山氣安得清遊任此身

一紙書來覺昨非
離情頓散得禪機
只餘吟咏心
還在靜理牙籤
晝掩扉

如見

樓頭樹下自徘徊
靜几明窗絕點埃
披畫疑從仙境過
讀書如見古人來
慣因興廢悲前事
每爲推敲嘆不才
紙墨果能消歲月
階前又見菊花開

雲外寄外

靜裏眉頭斂
莫開又看新月透
簾來每聞鵲語疑

雲在軒詩集

卷一

三

君返慣爲燈花望
信回別後關山長
入夢眼前風雪又
舒梅萬家聚首除
年日旅舍遙憐酒一杯

出門正值天無雨
春風在天花在樹
去年阿弟向西湖
君又今年漢陽去
憐予歲歲思遠游
好水名山終未睹
心送輕舟路幾千
隨君也向荆江渡

偶成

一院林陰瘦欲無
霜花灑灑碧窗虛
殘年月上殷勤惜
寒夜詩成潦草書
點點燈煤開又落
紛紛心事卷還舒
紅爐撥盡人無寐
靜聽清泉響石渠

柳邊冬夜寄夫子
寂坐寒窗夜未眠
靜中清想渺無邊
愁來慰我惟書慰
別後憐君轉自憐
苦盼回家能幾日
何堪旅館又經年
胸羅萬卷貧難解
始信才多不值錢

詠表妹謝靜華靜薇二仙事

有序

二姑適謝生二女
靜華靜薇靜薇六歲殤
靜華未靜華十八歲病療卒
旣而姊妹憑乩言前
生爲天上仙子感吾姑割臂療吾祖降生
於謝今當以某月日仍歸天府姑丈養田

雲在軒詩集

卷一

十四

詳記其事余謹撰六絕以誌哀慕

安望重來過我廬
仙凡苦隔恨何如
雖知天上君原在未卜他
生見得無
知君此去樂無邊
乩語傳來字字鮮
千古風流推謝氏
不生才女卽天仙

未知天上果何如
已覺人間事虛試
問三賢雙

姊妹羣仙識我姓名無
乩言伊姊妹居三賢山問

可寄書乎曰可

轉悔從前相見少
恨無慧眼識仙娥
休嗟此別千

秋隔得寄音書幸已多
君莫回思世上人
近來我亦怕紅塵
一從識得仙
家樂
夜夜蓬山入夢頻
且如神
莫翻翻

吟箋封罷自徘徊
屈指何時有信回
莫道詩成無妙句
且留姓氏在蓬萊
蘇軾

秋陰

小院秋陰漠漠
煙嫩涼新到
綠窗邊
濕雲忽露一
鉤月
檐雨初停
風在天外
吹草香
中具
疎疎泉

雲在軒詩集

卷一

五

遠山高樹綠氤氳
拂拂清風動水紋
村曉稻香齊帶露
雨晴松氣欲成雲
依依草色閒中長
細細泉聲靜裏聞
獨對遙空神自淡
一行遠雁帶朝暉

隨筆

清風明月集幽居
近臘窻梅幾點舒
夜靜尚宜親紙墨
年來無病賴琴書
插瓶尚有經霜菊
汲水常蘇就爨魚
細想此生無所望
且成吟詠莫躊躇

我南君北隔江關
話到存亡淚即潸
自昔傳書多

疾病別來無恙只雲山

斷句

山翠因煙重

泉聲爲雨忙

雨殘千樹月

雲過四簷風

鐘鳴野寺餘音遠

帆掛長河倒影來

見月忍拋詩世界

雲在軒詩集

卷一

讀書只借睡工夫

慣爲懣親悲自忍

樊二弟

長因憶汝病俱來

雙鬢鬢鬢風

兩鬢半樹民間居近臘窗梅幾點舒夜帶尚宜親

泉聲餘雨外病賴琴書插瓶尚有經霜菊數水常

山翠因雲重想此空無所望且成吟詠莫躊躇

瀾江喜坤保表妹全

幾詠限來無恙只雲山存亡淚即落自昔傳書多

雲在軒詩集卷二

陽湖錢希夢龜著天然生且精弟振鐙校

鑄詩

深愁世亂文章失何暇憂貧計短長不管冬來風
雪冷鑄詩且典舊衣裳

家貧菽水費商量尤苦嬌兒索果忙倘遇憐才閨

閣友好將梨栗換詩章

春日卽景

自磨新墨寫新吟簾捲山光綠滿襟最愛窗臨花

雲在軒詩集

卷二

頂上曉來覽鏡見春禽

池上

晴陽斜出小窗前餘雨在林風在天池上久陰人
跡少豆花遍掛柳絲邊

雲在軒詩集

一點靈犀萬慮侵連宵帶淚費沈吟幾經別恨知
生苦漸爲相思得道心世事看來宜淡淡佛經讀
處覺深深不如一任天然去且詠新詩且聽琴

雲在軒詩集卷二

天涯洞是憶論文苦隔關山萬疊雲欲把禪機破
懷想朝朝清夢不離君

久病初痊喜欲狂牙籤重理舊詩章嬌兒也漸通
文墨弄筆翻書問字忙

魏鶴夢亦能賦化清有一
意眼前春熱藥難銷
綠酒食自關心

春樹沈沈天色寒綠陰多處倚欄干眼前花木尋
常景愛把深潭倒影看

一枕春愁

一枕華胥遊戲回雲車風馬笑顏開不愁春盡無

雲在軒詩集

卷二

佳句時有新詩夢補來

此行有感

昏昏燈火夜沈沈風雨清談恨不禁年少偏多離
別感詩高須共老來吟處貧無補深慚我多病仍
遊更憶君茗碗藥爐誰檢點好將眠食自關心

文學評詩

月透簾櫳夜正遲燈前杯茗細評詩只愁別後增
惆悵誰作推敲一字師

天豈忽憶

北風一夜破梅枝移坐臨窗酌幾卮忽憶昔年殘
醉後滿園風雪獨吟詩
別來見景總關情不獨魂銷夢亦驚願化清宵一
輪月天涯處處共君行
別後天光總不晴君家悟否此中情相思灑盡如
泉淚
夜夜長江作雨聲

下二句夢中得

雲在軒詩集

事太傷心淚亦無憐君此去意何如人間偕老悲

雲在軒詩集

卷二

三

無分天上聯吟合有餘千里親朋猶訊病萬家嫌
素尚求書

夫子工書乞書者踵至幾無暇晷

仙蹤

已上凝虛殿誓欲乘風問起居

從此紅塵不算家愁來身世苦無涯名能折福君
先慮瘠有全才我悔誇愛說仙家懷極樂怕逢閨
友勤休嗟鳳凰零落文章賤萬念無如死最佳

憔悴燈前筆一枝何堪竟賦哭君詞頻年已恨生
離苦此日還加死別悲腹有史書堪教子才關福
命懶吟詩傷心也欲安排過日日靈前血淚垂

佳話當年到處揚孰知好事竟難長結襦幸有詩
千首偕老惟憑字幾行畫上風神還活潑夢中聚
散總荒唐傷心本擬同生死不道君亡我不亡

薄命詩成不欲令人知
弄月吟風奪化工幾人能有謝家風
千秋莫信才妨福世上傷心不獨儂
疊疊愁心未肯降向人豈屑露悲傷鳳凰雖隻文

雲在軒詩集

卷二

四

章在不羨人間燕子雙

思君無復望君回亭榭依然花自開靈鵲不知人
事改朝朝仍復帶聲來
花殘鏡碎歎浮沈獨對銀釭淚滿襟一樣燈花悲
喜別當年唱和此愁吟
雁聲霜氣夜吟寒舊札遺編掩淚看夢裏尙愁君
疾病還求犬士保平安
日日因君厭此生琴書檢點與誰親吟戒欲向何
人說矧已惟尋失意人

別來景况總淒淒遇月逢花罷品題何處傷心最

難忍旁人慰藉細兒啼

余兒名震揚字細樹

憐君雖已上蓬瀛應是難忘舊日情魂到重泉尙

驚醒還云何忍撒儂行

夫守垂絕時忽張目歎

曰余心何忍

何處天涯不自傷怕將往事上文章年來不是才

華盡未握吟毫已斷腸

侍親處處順劬勞百善誰云孝最高惡不可爲善

如此教儂何以教兒曹

雲在軒詩集

卷二

五

此悲欲解嘆無期多少傷心不忍思最苦歸來惟

一夕路中病况有誰知

夫子庚子冬十二月廿三

日還家匆匆一見是夕卽死

愁聽秋風放試官憶君絮語淚難乾倡隨惟願儂

無病道勝科名榜上看

風雪瀟瀟歲又闌愁聞爆竹萬家歡莫云偕老無

儂分夢裏逢君也是難

曩歲嘗日曾於陸重泉尚

去年死別是來朝有淚皆從暗裏拋編出悼亡詩

百首還將吟誦當號咷

悲詞愈寫愈愁添萬感蒼茫土筆尖勸我學書頰
指教旁人每笑比師嚴

恨極方知萬事非每從愁裏得禪機譬如同作離
鄉客只當君家先我歸

朝朝行坐憶蓬萊除夕仙家宴定開我願廿年俄
頃過抽身一笑覓君來

年之壽

夫子上此云我尚有二十

事太傷心淚已枯年來妄念漸消除只求一點靈
犀死化作輕烟淡到無

雲在軒詩集

卷二

六

死灰到死始心安直把浮生抵夢看夢裏悲歡誰
當假醒來與我總無干

寄慰逸如病

一別春秋又幾經時從夢語見深情茫茫天下誰
同調世若無君我不生

夢中得下二句

春日卽景

偶啟柴扉見物華驚心百卉盡萌芽家貧也欲歡
兒女自向春郊摘草花

野步能令眼界寬幾家紅杏出檐端始知造物公

平處花草無人禁我看

有感

才覺東風天氣利庭前已見落花多悲歡雖異光陰速也是匆匆一樣過

看蠶有感

商人重利古今同百萬蠶亡一炬中憐汝苦將絲

結字平安翻不及青蟲

讀太公兵法有感

愁聽烽烟欲逼天待時偉畧想前賢太公不把魚

雲在軒詩集

卷二

七

釣直那得消磨八十年

安貧

窮愁何必苦縈懷人肯安貧卽富家春到不憂無
食品自挑野菜勝魚蝦

春日與永妹閑話

道書讀罷厭浮生已悟紅塵萬事輕新竹映窗愁
亦趣古書當枕夢俱清閑看晴蝶隨風颺靜覺春
禽到處鳴詩在心頭花在樹品茶閑話舊時情

題俞曲園孫女吉初傳

世人盡道君姑惡我覺君家夫婿情亦薄不然何
至絕生機幅幅家書帶淚題誰憐多病身時復受
逼迫回首家庭萬事非人生如此真何樂聽說才
華深似海玉顏雖死文章在自來木偶福偏多彈
盡佳人眼中淚

戲贈永妹

寂寂飛花掩徹廬時于窗下聽長吁旁人不解吟
詩苦疑汝年來怕讀書

看山

雲在軒詩集

卷一

八

禪機參透不須師撇却愁腸何所思覓句最宜人
散後看山多在雨晴時養心全賴書千卷清眼惟
憑水一池自覺身閑無俗事年來長得夢中詩

題自畫山水

愁中萬事任闌刪終歲惟餘筆不閑吟遍新詩開
畫境不摹花鳥便湖山
年來彌自嘆蹉跎已在蝸居半世過紙上看山儂
便喜不知登眺更如何

有感

悠悠恨太長何地算家鄉有感夢俱苦無才福已
妨逢花愁疊疊遇月思茫茫始覺生離好當年悔
自傷

自傷

新蟲響處醒人眠松影溪光淨可憐四面落紅知
夏近一園新綠背春添月籠疏柳清如畫風動輕
雲淡似烟最是難忘身世恨嗟峨萬感欲冲天

夢遊仙

別時花正滿瀛州回首塵寰萬事浮今日殘紅留

雲在軒詩集

卷二

九

一點夕陽遙過海西頭

夢中得

夏日卽景

綠陰重疊類山家睡起穿林自採瓜六月逍遙誰
似我北窗行坐見蓮花
蝸舍無多草木肥村居歲久樂忘機紙窗竹屋新
晴夜月上松門見鶴歸

秋夜卽景

樓臺暑散一園清雁語深宵陰復晴幾點秋星雲

隙露萬條涼，兩月中明蟲吟大野，渾無際風拂長空。時有聲，天氣瀟疎，人亦爽。憑欄時覺葛衣輕。

最愛

房櫳寂寂一燈昏，林雨纔停星已繁。最愛秋來窻紙破，夜深看月不開門。

詠菊

得時爛熳有誰同，舊日羣芳盡讓儂。豈作經霜花草樣，奇才原可戰秋風。

霜肥月冷倍從容，自有文章奪化工。始信人間薄

雲在軒詩集

卷二

十一

花柳一身綽約仗東風

夢中得下二句

寄逸如表妹

惟願加餐病自安，訪儂好趁未天寒。圍庭八月無邊景，多少秋花待爾看。

病餘

幅幅湘簾掩不開，爐香藥氣共徘徊。病餘晝靜無情思，閑看蜘蛛結網來。

贈孤雁

一夜西風響樹來，燈花碎落尚徘徊。孤鴻莫向清

霄暝伴侶誰能喚得回
霜影濛濛月欲西
攜雛何處是安棲
縱矧別後悲
無益到此誰能不苦啼

贈永妹

年來自嘆恨何深
可與談心只有君
勤學寡言尤勝我
稚年已著北窗吟

妹有北窗吟草

和夫子此詩

雲鬢蓬鬆血淚紅
鏡中全改舊時容
感君自是鍾

雲在軒詩集

卷二

十一

情甚別後還虧識得儂

暢談渾不當君亡
連日憑此唱和忙
詩到人間君

不見果然人不及文章

暫時佳會忍蹉跎
菊瓊徐斟話大羅
蔬菜無多依舊樣

不知食性近如何

夫子降此時才重九

愛煞文章果有神仙
此相隔也生春此行攜我新

詩去應向羣仙說
故人

歲杪有感

窮愁經慣反從容
庭院蕭條又一冬
淚盡惟餘書

載想從來不敢詠梅花

答卮仙女何紫雲八絕

歲歲吟詩愧不工在天誰道筆如龍
清華姊妹三千輩盡向儂家拜下風
詩名珍重在蓬萊不許人間俗眼窺
畢竟玉皇恩太薄天仙何事下瑤臺
舊侶于今个个來自看卮語笑顏開
他年擲筆還天上定帶新詩萬首回
仙語傳來總不同始知富貴出天宮
雲蓮詩草三千葉題徧珊瑚樓珠殿中

雲在軒詩集

卷二

十三

想到三山喜不禁舊時珠玉任浮沉
只愁失卻雲蓮稿待到儂歸不可尋
天風拂拂萬花春雲影疏疏月滿身
此夜天宮諸姊妹也應說著謫仙人
遙知仙子盡聰明天上文章分外清
始悟降生無別意一枝詩筆要橫行
廿載開顏得幾回人生事事費思裁
他年一笑歸仙府從此紅塵不再來

又贈

一夕清談妙絕羣
鐫詩已就補奇聞
常嗟同調人
間少天上知音
幸有君
珠作樓臺玉作池
仙家風景有誰知
憑君一管生
花筆傳出人間
未有詩

春日即景
幽窗晝永自逍遙
清景全憑靜裏描
何事無風花
動影春禽銜柳製新巢

梅花下作

雲在軒詩集

卷一

十四

月榭雲亭絕點埃
柳光拖翠拂花來
吟餘把茗無
情思小立風前受落梅

見人折花有感覺
全憑簾裏畫屏無
晚步風前喜復嗟
穿林最好夕陽斜
嬌紅照眼雖
無數猶憶鄰家折去花

贈十姊妹

一株化出萬千株
曾記栽時沒綠蕪
今日花開滿
如許可還認得主人無

又寄羣仙

故交何幸下瑤池上界風光得盡知此後儂當焚
筆墨不來天上不吟詩

曉起書所見
碧天含露淨無埃殘夏蓮花喜尙開繞澗徘徊憐
曉色水中瞥見早鴻來
答降乩仙女何澄雲贈詩

字字含情話夙因相思令我忽翻新眼前一樣蓬
山隔不憶良人只憶君
人間天上總情癡無限悲愁不自支君是生離儂

雲在軒詩集

卷二

五

死別一般惆悵兩心知

詼諧活潑本天才頓使心頭萬恨開何待大羅相
敘樂月明我便望君來

答女仙魏靈雲

感君爲我下紅塵歷數前緣事事新一夜相思無
數夢可知不獨憶良人
憑君莫怪負前盟我已模糊舊日情自恨身居愁
世界舉頭無路上春明

雖矜傲骨未禁磨每到艱難喚奈何莫道近來詩

筆健墨痕不及淚痕多

答女仙李慧雲同妹作

清談竟不隔人天
別後思君日似年
知否人間雙姊妹
朝朝相對話天仙

贈杏弟

綠萼園內樂何如
尚憶人間姊妹無
聞說仙家多韻事
梅妻同上小蓬壺

悲愁如我復何云
既憶良人又憶君
慚愧空爲乾阿孀
家貧無物寄薇雲

雲在軒詩集

卷一

六

寄先夫子膝下

斷句

歸期未過先愁改

家信頻看不厭長
尚新人間越越飛
聞歸時寒在身
多疾病才名淡
天與分離寢食安

藝文曲卒慧雲同妹作

雲在軒詩集卷三

陽湖錢希夢龜著

弟振鏗校

余自夫子樹森謝世貧苦相連所幸兒震揚
字細樹貌既英秀性極聰明四五歲輒喜
屬對學書有父風每索余談典故余因兒
多病日惟引兒游戲某日兒有小恙大弟
夢鯨移菊十餘盆近榻兒喜卽云既喫冰
糖又看花出口皆有詩意兒年七歲漸無
恙矣癸卯七月廿六日忽一病三日卽殤

雲在軒詩集

卷二

一

較其父後死三年余自恨撫孤不成苦不
欲生作自挽詩聯留別弟妹以志哀痛焉
此行何事更徘徊一上蓬山不再廻身後碑銘所
速著墳前松竹乞多栽久誇有弟堪經世莫使無
兒泣夜臺倘遇清明重九節年年望化紙錢來
又
招魂君莫賦悲歌我自從容到大羅此別何愁知
己少泉臺已覺故人多

一宵欲別尙躊躇兩度傷心三載無已歎人間多

恨事不知此去復何如

西齋附自挽聯

山木初華日不其巖谷公平天

題詩原夙好學荒留此遺編嚴親作序難弟埋

銘塵世千秋應照耀

結髮本前緣劫滿同登仙籍佳偶伴吟麟兒繞

膝清華萬古自歡娛

姑園夢中作

年來閱遍好烟霞一路閑游日又斜笑我此生無

所繫水雲佳處便爲家

雲在軒詩集

卷二

一一

三月中浣侍家大人偕弟妹游武林

壬寅

天陰連日費躊躇忽見晴陽意自舒聊遣愁魔離

故國且尋佳句上西湖風前隄柳初飛絮雨後山

花半在途最是晚春天氣好消閑况有一船書

幽溪如鏡映烟霞綠野無人日已斜最好一街垂

柳下家家門外賣山花

西湖尙隔幾重山水木清華已不几難得公平天

道好一溪風送往來帆

出門何處不詩題
曉夜陰晴景不齊
夢醒不知明月上一篷
餘雨響清溪

人滿三月下浣偕弟妹游西湖

風光照眼浩無涯
舟入西冷喜亦嗟
有福方看湖上月
多情還惜路旁花
遠游春水真如海
遍寫新吟不憶家
到此總當尋古蹟
好將杯酒弔烟霞

答卮詩

難得西冷夜泛船
偏逢月缺恨無邊
請君速向姮

雲在軒詩集 卷二

娥報一月何妨兩度圓

余句云春風一棹西湖去可惜姮娥不見君蓋以

下浣明月晚出也

錢王廟

孰似錢王氣概神
射潮管領浙江春
只吟無賴游

人滿誰識西湖舊主人

弔古雜感

代謝人情不足悲
白蘇去後孰工詩
千秋倘識儂

題句何羨羊公墮淚碑

天水冷泉亭
澄水無聲夏亦寒
接天山翠覆欄干
此來怪底愁
心淡萬事原宜冷處看

輶光高出碧雲邊
一路飛泉響樹巔
鐘磬自能消
歲月烟霞終古屬
神仙山逢佳處還
疑夢湖到清
時只見天有願
竟酬儂自喜
好將奇境上詩篇
似此逍遙實快哉
泛湖又上碧雲堆
人行百尺松
梢上泉自千重
竹裏來到處
懶看題壁句
登高最

雲在軒詩集

卷二

四

夔煉丹臺年來我亦知
真訣奈少烟霞避俗埃
凌霄心自逐雲開
且撒人間百種哀
竹氣綠侵三竺去
江光白過萬山來
眼前佳境寬于海
足下飛泉響似雷
爰絲上方非易到
聊携花草下蓬萊
醴池又出幾靈鑿
一泓派泉響澗巖
醴自滄前
神仙何必爭
無有中
有元機
世不聞
樓閣分明多
少在
下山人望只煙雲

天竺
天竺夏衣寒
對天山翠巖
巖千拉來
對天竺

天水相輝
山擁翠樓臺
燦爛烟霞媚
長松萬株青

掃雲赤日千年不到地游魚錯落流泉清懸崖古
廟多鳥聲八方進香人不少人人盡向慈雲禱香
篆旋空接天宇身高誰肯回頭顧下多乞食人焦
頭復折足坐悲行哭無完形傷哉無不慘心目我
來惟散千箇銅登高一歎囊已空安能學得燒金
術一夕救遍蒼生窮

又

行行峯漸峻天半鳥聲涼地僻烟霞古山清草木
香石垣藤乍滿竹路筍初長從此人間去恒應憶

雲在軒詩集

卷二

五

上方

西湖卽景

生世由天命逢場且自覺詩宜塵外覓雲愛水中
看勝地傳名易高峯到頂難千秋人不少多在此
憑欄

孤山

清曉穿林走千級撥雲笑認高人蹟一湖蕩漾倒
懸天萬樹淋漓射朝日讀書十載無佳句文章原
合湖山助興發詩情不可收揮毫掃盡胸中愁似

此吟游非不快可惜來朝帆又挂

曉上惠山

侵曉山莊靜不喧落花如雪動吟魂一溪颯爽含
風色萬樹高低帶雨痕幾處漁樵纔出舍滿山樓
閣未開門殘星寥落鴉初起濃翠叢中看曉暎

思清

又對無回奈何賦豈來文

兩餘山路淨風拂曉天晴看水知魚性穿林問鳥
名萬家人未起孤寺磬初鳴不盡徘徊意滿懷詩

思清

雲在軒詩集

卷二

四月初六旋里有作

空知塵世似雲浮太息當場不自由痛抱遺書悲
往事苦尋佳句破新愁多時未得緝蓮信終歲徒
思碧玉樓無可奈何聊把筆豈求文字有千秋

逍遙

關未

生世逍遙我始真居然閉戶過三春晚來自汲澄
溪水淨洗幽蘭葉上塵

夏日雜詠寄謫星大弟

一從避俗居心澄似太虛靜極反思動時時學荷

鋤植菊百餘種栽松三兩株雜花與修竹浩浩纒
吾廬風色長不斷山光時有無奇雲類月華好雨
如飛珠愛此北窻景靜看勝讀書
一從避俗居不羨上清宇闔空多鳥聲地遠稀人
語佳木任意青名菊不知數草堂羅衆陰三伏無
炎暑摘瓜當朝餐清涼滿肺腑笑煞陶淵明半生
居逆旅浩浩塵網中奇才安可住何如歸故鄉其
賦東籬句

一從避俗居如見羲皇日古樹青連天清馨長覆

雲在軒詩集

卷二

七

室飽菜不須錢四時能自植學書不費紙但取芭
蕉葉吟詩不求工聊以記年月只待丹液成化身
千百億遊戲仙凡間供此逍遙筆

菊花

閱盡榮衰氣轉豪也曾生遇百花朝得離炎暑心
才放不仗春風品更高自著嚴霜仍雅淡豈因秋
氣感蕭條四時縱有花無數誰及東籬品格超

秋容滿眼費平章如此才華不可量人物風流如
兩晉文章全盛到三唐莊嚴豈慮重陽雨燦爛甯

愁一夜霜轉仗西風添壽命背時還可傲春光
殘菊魚詩無不黑賦其拙定寒青
參差五彩大于盤警眼雲消一夜寒從此風懷甘
冷落當時玉貌半闌珊靈犀已恨經霜早仙品常
嗟結子難知否捲簾腸欲斷西風扶病強憑欄

柴門臨水若漁師澆筆無妨遣歲時漫道學書終
不就墨雲已類右軍池
柴門臨水若漁師澆筆無妨遣歲時漫道學書終
不就墨雲已類右軍池
柴門臨水若漁師澆筆無妨遣歲時漫道學書終
不就墨雲已類右軍池

雲在軒詩集

卷三

八

深宵悟道書頃刻知千古一夕見神仙三日見天
宇忽忽前生事靜中清可數一笑輪迴人茫茫誰
是主卽仙奉詔來導我歸仙府我爲詩未編未便
匆匆去此情萬古奇豈向常人訴只有枕中書類

我新見處

朕否蘇兼愚於瀾西風楚歌賦懸離

余自知乎一能乎反明乎陰陽始默悟諸經

且通羲皇之道上至堯舜孔孟下及人

物魚蟲無不默知其性次察吾身之得失

古人云得一則萬事畢矣洵然孔子曰非

道德不尊非道德不明吾依易之度數欲
修德益道故僻居靜地偶作是詩焉

橐籥能教氣倒行頓開生而使心驚吟魔漸似烟
雲散道眼長如日月明何敢逢人傳寶訣不妨卷
舌任浮生縱橫苦厄非難脫只在靈臺一點誠
物我悠然淡不分內含衆美自氤氲晶瑩合似霞
間日變化多于雨後雲已過斷腸如隔世自來危
坐勝營文惟嗟終歲遭魔易功行三千不在勤

又

雲在軒詩集

卷三

九

柴扉啟亦比山深偶醉松陰日又沉鴉鵲猶將憂
喜報世情我已不關心

不惟垂釣愛陰符分出洪濛太極圖最好盈山春
氣煖觀泉無意得鰥魚

黃老言言自可親十三經語盡通神自來大道誰
參透除却神仙只聖人

讀書誠可免兢兢萬事天然有準繩從此不妨安
我拙聖人幸不重多能

參明五至始心安清靜能窮造化端推出此身無

限卦賢愚于我尙無干
五聲和處入風平輪轉春秋似太清得一不惟開
眼界慧光能使黑宵明

天機盜得仗清閑日月行空去復還莫道東流無
反日水紋圓轉見循環春絲蕩綠波自與鸞劍卷
澹泊方能助性靈交梨長帶露華馨人間予默誰
如道萬像渾含不露形

傳世文章亦復輕茫茫萬古孰能明星移物換輪
迴疾誰識縱橫舊姓名

雲在軒詩集

卷二

十

問余何事意從容道性明知醒夢同誰是華胥誰
世界淡然俱付有無中

附錄

箕仙述姊前生詩詳雲在軒筆談

遊魚如錦水如羅嫋嫋春絲蕩綠波自揀柳陰多
處立滿身清影當披簑
空去身歎莫道東流無

朝陽斜出

彩雲端纔舍

清陰曉色寒涼露在花風

在柳碧波魚影拂闌干
此詩纔舍二字此筆糢糊

姊以意補後此語嘲之曰弟一天仙子所居皆以宮殿爲名甯有所謂舍者耶振鐙注

贈緋蓮

飛鳥盤旋樹影移輕雲如霧海星稀月光照徹千峰雪想見龍毫翠練飛

夢中見題壁一首

中秋天氣自清和正好吟詩到大羅回望塵寰人未靜幾家菱藕祭嫦娥

斷句
春風願落
落花如雲
欲滿天

雲在軒詩集

卷二

十一

瓊階玉檻春風顛落花如雲欲滿天

未晴
寒雲
欲散

中燼天
自
有
時
三
十
年
持
隆
大
羅
回
望
塵
寰
人

夢中見題壁一首

緋蓮
賦
詩
學
翠
練
飛

飛鳥盤旋樹影移輕雲如霧海星稀月光照徹千峰雪想見龍毫翠練飛

贈緋蓮

中秋天氣自清和正好吟詩到大羅回望塵寰人未靜幾家菱藕祭嫦娥

斷句
春風願落
落花如雲
欲滿天

雲在軒筆談
人陽湖錢希夢龜著
蔡中郎薦董卓表有云上解國家播越之危下救兆民塗炭之禍卓上書辭侯讓位乞就國土上違聖主嘉寵之至下乖羣生瞻仰之望非所以褒功賞勲也惟陛下益隆委任數加訪問厚其爵賞責以相業之成臣等不勝大願余謂中郎尊崇逆賊一至此無知極矣故其女受辱外國而不死無足怪也

雲在軒筆談

一

寄園花木近百十株均光緒初二二年中所植然榮枯不一有逾年而死者有多年不見長者又有轉瞬卽長大者余笑曰若依村嫗之談果報草木亦有善惡矣
古來多惜花之人而無惜水之人余嘗謂水之清淨明秀尤勝於花水之有幸有不幸亦與史震林散記述花之意同水之幸者如貯仙人之瓶洗才人之硯釀豪士之酒煮高士之茗供雅人之濯花佳人之洗手英雄之磨刀此皆水之幸也其不幸

者不可勝數矣
東坡與毛維瞻尺牘云歲行盡矣風雨淒然紙窗
竹屋燈火青熒時於此間得少佳趣儲同人謂善
領畧人何地不得佳趣余謂此豈東坡之自道其
樂哉正狀其平時處境之厄塞耳

凡女子知禮義者多男子知禮義者少古云忠臣
不事二君烈女不更二夫今村嫗樵婦有再適者
未嘗不知羞也若古來貳臣則儘有氣餒甯自以
爲恥乎男子孩提便讀書然且不知禮義女子讀

雲在軒筆談

一一

書者少然且知之可以辨男女之異矣
凡富人俗者多貧人俗者少貧人豈皆高士反因
無錢有不能遂意轉覺其清富人所欲從心則無
俗不作無俗不透袁中郎有句云一生知己是貧

人洵然

俗云女子有才便損福命余謂不然天下貧苦婦
人不可勝數豈皆有才耶卽令福壽之人亦非純
乎木偶古人所以有是言者因一二才人偶逢不
幸爲之慨嘆耳非通論也張玉珍女史有云文章

從古忌蛾眉近才女言雅亦有句云福與才妨自
古同今人據此語畧能吟咏者遂自謂有才自愁
損福此與戴逵求死何異

死之一字千古愁人之佳境何也人在愁中苦無
可奈一死則安猶之人在睡中方遇惡夢一醒便
快塗故有句云病多轉覺身爲累愁到方知死是

佳

開窗簾几魚蟲
近時女史言韻清雅與表妹書雅早稱夙慧幼識

之無幸託書香得爛文史會非女工醫年旋棄然

雲在軒筆談

雲在軒筆談

三二

心所篤好不能自己每於針指閒暇輒挑燈翻弄
尤愛於詩讀至名篇朗吟數過樂焉忘死十載紅
闌明窗淨几魚蟲花鳥信手塗鴉曾希謝女之風
尤遜王郎之配人謂不惡我恨如何錦字文佳盲
何能覽青囊術好俗不可醫嗟乎不遇知音瑤琴
永棄多逢恨事彩筆無緣詎謂鳴鳳之歡敢有隨
鴉之怨天乎不察命也何如輕狂之態可掬究竟
知書者必以達禮爲貴謝女名冠千古豈在天壤

王郎之一歎耶

王郎之一歎耶

己亥春二月表妹潘逸如奇作書告余昨夜乩書
何紫雲來奇問是仙是鬼書曰仙卽書一絕云一
枝詩筆豔于花題徧珊樓紫子家自寫雲蓮新冊
葉清華隊裏最堪誇此靈華子贈清華子詩也問
靈華子爲誰書潘奇清華子爲誰書錢希云我二
人爲天上靈華清華兩府人也問奇前生尙有詩
否則又書廣寒宮醉歸一絕云身懷薄醉意從容
飲罷冰泉返玉宮踏碎瓊雲千萬朵秋花染得碧
衣紅希得書大喜卽日詣表妹家復請紫雲降乩

雲在軒筆談

四

有余前生掌清華府逸如掌靈華府才華敏捷各
有詩萬首余號雲蓮江書畫所謂自寫雲蓮新冊
葉也表妹號冰琴有冰蓮唱和集五百首不能悉
記云云余觀書一二首乃書天湖垂釣兩絕云游
魚如錦水如羅嫋嫋春絲蕩綠波自揀柳陰多處
立滿身清影當坡叢紅鱗魚襯綠鱗波宛轉珠欄
繞玉河採得楊枝竿在手釣絲還摘綠鮮蘿第一
首余作第二首則逸如作也詩思清妙誠非食煙
火語矣予生平以翻書爲恨乃云前生江書畫仙

凡之界判若霄壤可痛也因問余兩人何故不謫
此信兩人才華爲天上羣仙之冠清華子出游偶
動此忿被謫玉帝拔靈華子爲第一人於是三千
姊妹共懷嫉妬讒之玉帝不久亦被謫現掌靈華
府者卽紫雲也又書一絕句贈逸如云陵霄殿上
占羣魁玉帝親題第一才天上風光誰及爾可知
何事下天來余兩人慙然稱奇因問仙人何服卽
書一絕云冰紋衫子水紅羅藕葉雲披捲綠波偏
奈春風翻畫筆替添新翠上雙蛾又問仙人何狀

雲在軒筆談

五

又書一絕云借得飛瓊碧玉簫花天月地任逍遙
世人不識仙人貌柳樣輕盈花樣嬌應聲立就洵
非仙人不能又言天上亦有夫婦

此語天上婦謂

夫春風夫謂婦綠雲前詩所謂春風翻畫筆也與

唐詩解釋春風無限恨頗近振鏡注一樣生育神

仙本係天生此人修行得昇者無幾玉帝有三女
皆能詩常與往還問可降此否曰不可紫雲有五
女亦能詩且言天上甚樂以珠玉砌牆屋人間以
珠玉飾首自仙人視之猶覆以磚石可笑也往覆

清談竟夕始去余前恨不能扈衛請列代才女天上仙子作良宵唱和今果得遂余願矣事之有無不足深辨而清言秀句聞人世之所未聞亦一大快事也表妹作三絕句以記之云我亦前生位列仙無端誤謫到人間從今不羨仙家樂他日還歸第一天笑儂何意世間來天上還呼最捷才珍重生花一枝筆羣仙隊裏去爭魁歷歷乜言事可驚怪儂忘却舊詩盟他年歸到靈華府重聚三千姊妹情余亦戲作八絕云歲歲吟詩愧不壬在天誰

道筆如龍清華姊妹三千輩盡向儂家拜下風詩名珍重在蓬萊不許人間俗眼窺畢竟玉皇恩太薄天仙何事下瑤臺舊侶于今个个來自看乜語笑顏開他年擲筆還天上定帶新詩萬首回仙語傳來總不同始知富貴出天宮雲蓮詩草三千葉題徧珊瑚珠殿中想到三山喜不禁舊時珠玉任浮沉只愁失却雲蓮稿待到儂歸不可尋天風拂拂萬花春雲影疏疏月滿身此夜天宮諸姊妹也應說着謫仙人遙知仙子盡聰明天上文章分外

清始悟降生無別意一枝詩筆要橫行廿載開顏
得幾回人生事事費思裁他年一笑歸仙府從此
紅塵不再來又贈紫雲兩絕云一夕清談妙絕羣
鑄詩已就補奇聞常嗟同調人間少天上知音幸
有君時予方重鑄雲在軒詩草珠作樓臺玉作池
仙家風景有誰知憑君一管生花筆傳出人間未
有詩

癸卯八月十六夜半余忽夢至一處見紅薇萬樹
名菊滿園珊瑚臺翠閣平生所未見也其白玉垣上

雲在軒筆談

七

題詩甚多有一詩歎係余夫子詩云一園名菊燦
如霞萬樹緋薇未落花浮世興亡隨歲過樓臺終
古只仙家余誦畢正徘徊其間瞥見兩艸女從花
間而來謂余曰緋蓮子候已多時請主人速去余
徐曰此地係何名兩艸女云此卽清華府也余隨
其行未經數十武見夫子倚玉檻而立笑容可掬
細兒跳躍而來牽余裙曰阿母歸矣隨同至一處
見幢節玲瓏簫韶以隨侍者如雲笑語熙熙夫子
乃命余及細兒就宴其時杯盤羅列均皆珍異酒

數行夫子謂余曰君塵劫已滿此後可同居上界
無復有離別恨矣余聞此言悲喜交集卽索管書
一絕書畢夢忽覺惟見斜月半窗燈光微碧且喜
所見夫子詩及余自題之句未忘一字卽起記之
自題詩云焚罷金銀百萬千回頭萬事竟如烟而
今不羨劉安樂我亦全家住碧天

雲在軒筆談

八

雲在軒詩集附錄

錢振鏗

而文

哀姊夫蔣樹聲文

庚子

嗚呼傷哉樹聲竟以貧死也樹聲以丙申八月瘡
吾姊希旣而遊楚一歲之中家食兩月今年春患
痲于楚始家書微示病狀至四月得君弟冰岩書
述君日且委頓家人驚懼不知所爲振鐙輕裝泝
江訪之至則君已病退健飯惟患咳面色槁白授

雲在軒詩集

附錄

一

以補益之物則甚合咳亦稀又能強步三四里然
其脈甚數余勸之歸則笑以爲無是理余雖慮其
爲癆然以爲病後健飯生人之原未絕遂懷疑慮
而返返得君書言病愈而咳減則亦安之六月初
君弟冰岩以急病歿于楚君病復作咳復發八月
歸咳如故且患痢痢已患痔痔已而咳則或暫愈
而終不愈治之以藥以餌以神方若有效若無效
然飲食尙不減日能強步家貧不能卒歲仍赴楚
吾姊擬盡質衣物爲君養病君曰質衣物以養病

病惡能愈決計去臘月二十二日忽驚君返候之則音啞痰鳴知不可保而君則自述勞苦之狀言卧五六日當起且言家居過年頻歲所未有喜形于色粥後解衣就枕而氣不續矣嗟乎天下之富而夭者何限貧而壽者何限而君則竟以貧死也傷哉且夫乞食走天下貧賤識字者之所不免而樹聲體羸面槁視振鐙亦可爲兄弟也樹聲竟如此以死此亦足以奪天下豪桀之氣矣當振鐙訪君于楚也知其病將成力持之歸則可不死十一

月間苟力持之不使出則生死未可知卽死亦決不若是之速也嗟乎余之在楚也識不足以決疑而諫之不力其繼也挽留之不堅致以可死之病犯必死之苦好習岐黃家言而無所裨於死亡嗟夫振鐙慚恨無窮期矣吾姊性誠悃而嚮達豪曠則未之能然結襦數月樹聲遠行常悒悒振鐙十一月送樹聲之楚詩云又扶殘病辭家去貧士生涯不當人以其語哀未敢令之見也樹聲死時姊吞毒未下咽家人救至而樹聲又張目以視姊冀

其復活乃嘔去不死今樹聲才入棺姊死不死未
可知其死也哀何可言其生也舉天下之事無足
廣其心振鐙自壬辰夢鯉死後常以爲生世祇可
糊塗過去至今八九年矣猶時時哀出心目今吾
姊又遭此大凶吾今生長不樂矣君工書作二三
尺大字蟠結奮張若有神助小書妍媚一時子弟
形模之以爲能求書者無暇晷病中雖甚噉猶操
管不輟嗟乎有傷其生無益于死自今以後吾亦
將焚筆破硯矣天下頽喪區區文字久已厭之不
復近而覩君之死之傷不能自絕于語言爰書其
哀以示知樹聲者至于吾姊則不與見也

哀甥細樹文

癸卯

傷哉天乎其無知乎吾姊自庚子喪夫子今四年
吾甥細樹今七歲矣能讀書見頭角矣忽焉殂絕
使其父樹聲之祚從此而斬而吾姊無所復望于
人間傷哉天乎其無知乎吾甥素多病惟今歲乃
甚強健精神煥如七月二十六日病熱亦不甚重
明日熱退日午微冷復熱至中夜忽張目呼母曰

今日我當去吾姊驚其言止之則曰明日必去又重言之當時吾姊驚迫之狀殆不可言然越日熱仍退似無大病吾姊諱前夜之語不敢言是日爲七月二十八日午前寒作寒已而熱則知其爲瘧矣瘧無死症絕不介意日昃忽又言我今日當去須臾驚起遂不可復越一日至二十九日夜而死傷哉以樹聲之寬廣汎愛而竟斬其嗣乎以吾姊之素性誠怛好放生物而既天其夫又殤其子乎往者樹聲之死一歲而喪兄弟二人越三載又

殤吾甥今蔣氏男子存者惟吾甥一癡叔及其叔冰岩一孤子在耳吾不知天何憾于蔣氏而爲此大惡無道之行耶吾甥病前壯澤絕不料其將病卽病其所受甚微而竟至于死嗟哉其命也耶其非命也耶其推拿砭刺之太甚而其氣不足以自復耶其飲食湯液之不合有以益其病耶嗟哉吾甥死矣吾姊何以爲生而吾之旣悲且悔殆無已時矣余往者謬說醫藥且以爲天下無死症今之于細甥也坐立于其旁以視其死嗟乎自是

以後復爲人說藥性談脈訣請世人弗以人類見待矣夫天下窮苦死亡之家悲哀之狀無可告訴者誠知其無算今乃適出之吾同胞吾其何以爲心吾異日雖復舉天下事極吾快心適意者爲之而苟一念及吾同胞之困苦如此樹聲之夭亡無後如此且廢然而返不欲復爲世事而謂吾何以遣今日之日哉往者三弟夢鯉之死吾父母吾姊弟悲哀何可言今又覩吾細甥奇怪陡絕之死人之于其親愛也病則憂之氣未絕則望其生旣死

則哀傷之數月之內則哭泣而思之年以外則哭泣少休矣又過此至于十年以外則哀傷之心亦少休矣夢鯉之死今視其塚當日所植木槿且鬱然成樹過人頭三五尺矣當年哀痛庶幾以爲已去之事而爲之稍殺矣我豈不知我細甥之死後固亦將有視爲固然之一日而無如目前神采四映跳躍活潑之細甥而竟至于死且竟至于有不甚悲哀其死之一日此余所以悲哀而莫能解也乃者夢鯉之死吾之言曰天下事過得以清醒過

之不者以醉夢過之吾自夢鯉之死之十年有奇也醉夢者漸覺其清醒矣今吾細甥忽復推我于醉夢之間且求爲醉夢而有不可得者乃者樹聲曾降于乩自言爲上清香案吏昨且言吾細甥易裝上升翩然笑語于乃父之旁矣要之事非目見難可爲信細甥死矣欲書吾哀而口不能言筆不能記勉強記之書未終而擲筆驚嗟者又不知凡幾也哀哉

女兄奇疾記 壬寅

雲在軒詩集

附錄

六

女兄既喪子冬旣臘謁吾妻黨楊節母于無錫之葑莊明春得楊所藏道家言金仙證論以歸道家所謂過三關者蓋收納其神氣注于丹田越尾閭而上轉玉枕下重樓者也女兄一見圖說卽自謂能之余驚異曰世之習坐者或累歲未通一關今吾姊未嘗學習而能過三關殆天授不可失也女兄亦喜因習焉初習神氣甚旺越四五日忽見人輒欲笑余怪之曰姊得道耶則畧一頷之又曰余向亦太苦矣越三日忽坐于牀不出戒家人毋相

擾坐兩日不食余晨自城中返視之則目上視面
青黯氣欲絕如線余大駭徐呼之不應又呼之則
指余令出又合十曰我真仙也弟勸我學道我今
謝汝余曰姊縱得道然道胎尚弱當溫養之未有
道胎甫具而卽上升者也姊是吾言遂反其神徐
言昨者強吾神出頂上高及榭會 阿翁擊案罵
乃下適才則已至屋上元神出侍從極眾鼓樂甚
繁惜目尚瞽未能周視惟覺上界極明而已午後
忽作喘曰吾殆死夫見蒼龍來吸我氣吸則我喘
見迎我者輿轎畢備吾殆死夫家人驚懼爛葱蒜
塗其頂鼻又以醋和藥飲之是夕甚危殆越宿乃
安先是女兒自以爲得道恒自祕後乃自知犯魔
當死乃鑿鑿自述之言運氣數日一夕忽覺顛門
開大驚告其妹則又覺全腦蔽塞不復通氣因思
天殆不許我告人耶自今請弗言乃復通明日忽
見大士來食以香蜜出其目濯之自是遂大悟目
有異見自思凡天以下皆海也大地海沫也玉皇
卽海皇也羣仙人皆龍也玉皇統管海陸二類凡

海中動物皆以民人視之世人食鱗族玉皇所大
恚也自故發海水淹下世則爲混沌以爲世人食
鱗族之報吾與弟前世皆海中神鱗也前次混沌
吾與弟皆幼頃穿金鎖拍浮海水而嬉其後海沫
漸凝成陸以至伏羲治世皆目擊之又言玉皇卽
盤古也天上有女帝與玉皇並治卽女媧也見東
北天門開奇光若電見虛無中有宮殿樓閣見人
能詳其前生吾母大母吾母吾妻命服之內藏
袈裟焉其餘多爲鱗類見僕婦村嫗或有項朝珠

服補服者見竈上猪蹄則人手也家中犬半人體
而不全樅中鷄樹上雀鳥皆人鬻也初習坐見巨
虵異物來犯意不怖則自去不復至遂觀快意之
境子媳立其前婿女侍其側歷世祖宗坐于後皆
服麗服上張羽蓋其餘擁衛者羅拜者執兵而立
者趨者瀾翻輻輳于前命之曰去則疾行而去曰
留則屏息侍立不敢譁其所寂坐處余新蓋土室
藏時花以避雨日處也女兒既寂坐非復土室崇
閎廣寬可容千百人室以外清瀾竟天則大海也

雖然前學運氣體甚强大士禁毋復運氣意已不
適後二日槁坐牀席大士爲之破腹出腸漉血又
拔其手足大釘四自思欲元神離體當然耳家人
進粥大士以手覆之使不得食於是遂困幾死及
後家人以葱蒜汁沃之遂不復見大士越兩日則
小目如常人矣追思所見輒如夢寐夫神仙隱怪
儒者弗信道耶魔耶姑勿深論抑又思之凡與平
人異者皆疾也作奇疾記

跋抱朴子

辛未

雲在軒詩集

附錄

九

抱朴子言世間必有神仙凡不信神仙者必宛轉
破其說而後已吾姊信之雖其後得心疾猶據其
法買藥燒丹不已其丹竈卽俗所謂行竈也以蘆
柴煮鐵鍋四角出火煙煤積窗戶半寸姊每出面
目熏墨家人皆知其燒丹來也甚矣葛洪之禍人
也姊之初學仙也吾非惟不止之而又贊之及其
成病予乃決知神仙不足信姊言語出入仙佛予
遂作佛顛論論精確不可易然皆懲姊之所爲而
見及此嗚呼外道之信否我以姊卜之姊人坎而

我免矣姊愚而我智矣嗚呼此予之罪也夫此予之罪也夫

開詩

我回泉臺再養生

全日喜蔣甥生

丁酉

全日喜蔣甥生

夜半啼聲聽不訛啼聲多與笑聲和回頭未覺兒時遠漸漸人間後輩多

賀女兒病危獲安

丁酉

賀女兒病危獲安

泛海扁舟到岸時回頭風浪太難支而今笑語都成喜當日安危豈得知爐畔爲君親視藥牀頭付

雲在軒詩集

附錄

十一

我未刊詩此情若使成長別來日舒長不忍思

送樹聲之楚

庚子

送樹聲之楚

頻歲西游漢水濱里門幾日共琴尊又扶殘病辭家去貧士生涯不當人

哭樹聲

庚子

哭樹聲

生日清貧不可論死來定可卜豐盈病中未有安閑日好向泉臺再養生

悲來天地亦淒其垂死殘年一棹歸臨別光陰忘

不得黑風紅日雪花飛

清晨入山去地上見棄蠶蠕蠕覆樹根累百復盈
千謂是桑葉貴桑葉蔽邱田謂是蠶病死蠶動尚
蜿蜒不知何人家何事遂棄捐我姊素仁惠回顧
忽見憐命彼僕婦人攜歸置案前家園一樹桑天
生幾十年將來與蠶食蠶飢何所患我時無所語
笑謂姊無然餓死風露下此蠶猶得全弗爲筐中
繭終免金上煎腹中絲未吐於彼何損焉不如姑
置之生死歸之天

雲在軒詩集

附錄

十一

追哭甥細樹

壬寅

有甥曰細樹入世方七歲頭角頗奇特倔強更可
愛家貧父遠遊三歲卽見背我姊勉在世撫孤良
有待誰知天道這一病遽不在中宵說歸去聞者
髮毛戴天地固杳然此意殊難會病急施治亂念
我詎無罪遂於一夕間成此百年悔姊年三十三
來日正無奈我姪及我女育之三五載嬉戲正及
時笑言極嫵媚念甥當此時冥然一棺蓋棺中何
形歎身體度已壤嚴冬與盛暑衣服孰更代食物

遇甘鮮孰爲我甥饋汝生我清明汝死我沉醉我
素不解飲今遂識酒味中腸寸寸腐肝肺葉葉碎
哀哉勿念之使我短志氣

又

吾姊仁慈最可憐放生每向野塘前擔頭魚鼈無
資買慣用吾甥壓歲錢

追懷夢鯉弟細樹甥

乙巳

截骨有時平剝肉有時滿惟有生死悲耿耿百年
遠天涯豈不闊海水豈不長境地雖復別愁心還

雲在軒詩集

附錄

十一

似常倒酒豈不醉披髮豈不狂嗟哉方寸中石魄
不得降鬱鬱無名恨默默無聲思亦已壞顏色還
當損年歲我聞在古昔聖人生空桑出身無瓜葛
齊肩無雁行獨往復獨來無物繫衷腸嗟我多恨
人生世徒悲傷

贈姊

丙午

學仙常厭人清齋不思肉窗外種芭蕉終歲看新
綠

入城訪蔣氏甥女病

傳聞甥女病路遠隔重城耳小途人語聲驚野鳥
鳴到門愁問病進藥畏難靈未釋當年恨憑棺慟
細甥

傷靜芝

天地有缺陷人事多傷悲苦藤結苦瓜造物意難
知哀我亡國餘黯淡山水涯痛我失時人骨肉被
人欺我有一女甥自小名靜芝稍復通文字婉約
多令儀幼小多苦難家門忽陵夷五歲喪厥母九
歲又哭父後母乃吾姊有弟名細樹弟殤母失心

往往失常度有叔亦大好與父死同歲存者一癡
叔菽麥性亦昧惟有大母存祖孫相爲命食恐女
孫少忙恐女孫病病發坐終夜未死淚先罄傷哉
白頭嫗有此傷心境死家住東郭最喜女甥來我
母愛我甥甥至覺顏開我妹愛我甥教甥誦文辭
我妻愛我甥添粧助甥姿兒女愛我甥喜合如連
枝我甥善笑語合宅少愁思我甥善針指能爲姊
妹師西郭有葛氏有子從我遊家世豈不微文字
理則猶詩人惜葑菲下體不見尤誰謂不祥人爲

甥作蹇修大母爲孫嫁喚工製衣裳幼小落苦難
出川當風光阿母爲女嫁喚工新明璫云昔爾母
遺爲爾身首章我妻贈甥嫁袖上雙鴛鴦我妹贈
甥嫁紅錦一丈強我女贈甥嫁買絲結香囊烽火
起西天百姓忽倉黃城中十萬戶十室九室空于
歸當此際錢財不相通余也遯草木借貸豈有望
亦有太戶人斂錢備逃亡買物不得全事定許後
償豈知犁牛性鄙陋忽蹶張犁牛猶自可善罵同
山膏謂汝物不全惡聲肆咆哮我甥當其衝哀哉

雲在軒詩集

附錄

十四

命所遭晝罵夕不甯郎君出門逃翁姑又復惡謂
婦匿其兒我甥懷死志猶幸郎歸來阿姑爲晚姑
郎君非其出全家七八口針黹如山積衣裳到鞋
履一一我甥責郎君盜厥婢年少爲不德內羞或
變怒轉復相究詰先來欺殺到婢子亦大黠哀哉
我負甥悠悠天何極從來有情物性命皆愛惜我
甥苦厥生覓死已非一一朝服赤燐火灼五藏裂
腹有九月兒墮地氣已絕哀哉何忍言至死惟誦
佛人心豈不在合城爲甥屈男子聞甥死拔刃相

拂拭女子聞甥死發憤罷梭織願食山膏肉願嚼
山膏骨嗟我執蹇修此際難爲情入山旣已遠爲
爾還入城縱復竭我力豈復益我甥回首念爾父
少日有文名不能取富貴遽復奪天齡爾弟七歲
殤頭角未長成爾母抱痼疾心境晦不明夫母七
十餘垂死慘復驚生愧過爾門死愧爾所生哀哉
不祥人世事靡可爲見土莫愛才見女莫作媒但
當入無有寂寥有餘哀

詞

雲在軒詩集

附錄

五

金縷曲

閨閣鍾靈氣怪吾家女
夔才調清妍無比一夕傳
來天上語前世清華仙子
住天上清華府裏領袖
三千花姊妹錦才華敏絕
無人擬下土聽笑而已
怪來詩思清如此卻原有
上清舊藁雲蓮詩史
冊子三千詩萬首葉葉清
光滿紙天許與傳其一
二寫到天湖垂釣句任青
蓮白傅皆渣滓又何况
而今世

聯

聯
七
下
間
題
天
寶
贊
謝
靈
靈
食
山
膏
肉
願
嚼

挽甥女

寒門孤女有此此離最苦阿家翁性比山膏到死
何曾絕口本同羣今日淋登再續文塵翰藻萃三
亡國餘生觀茲痛毒自傷不祥人謬為月老至今
何忍回頭料寒最堪憐

一雙挽姊禮儀落落對紫玉簪自凝雲蕙綠
夫妻父子聚首崇朝看萬古乾坤此後優游皆樂
境出藉

劉白賈姚用功最久問滿城士女幾家燈火誦新

雲在軒詩集

附錄

劉白賈姚

附錄

六

詩曰賈姚用功最久問滿城士女幾家燈火誦新

賦此詩

大妻贈清華子

女仙徵峻雲

一枝詩筆豔於花題徧珊瑚樓紫子家自寫雲蓮新
珊葉清華隊裏最堪誇

女仙何紫雲

至今

前生天上本同羣今日相逢再論文塵海茫茫三
半載大羅仙子盡思君

魏靈雲

女仙魏靈雲

悲君何故到塵寰遺稿殘篇不忍看無限相思愁
欲絕朝朝還上五雲山

女仙何澄雲

春氣陰晴花木新滿園黃柳帶啼鶯羣仙佳會無
邊樂尙恨春明少兩人

一別君顏三十春瓊樓翠院有誰親阿儂寢食愁
無味還向清華望舊人

雲在軒詩集

附錄

雲在軒詩集

附錄

七

無和靈師寄華望舊人

女仙何澄雲

一恨春愁三十春
靈華望舊人
靈華望舊人
靈華望舊人

春氣陰晴花木新滿園黃柳帶啼鶯羣仙佳會無

邊樂尙恨春明少兩人

一別君顏三十春瓊樓翠院有誰親阿儂寢食愁

無味還向清華望舊人

嗟夫詩窮後工其信然耶樹聲以終買年華屈宋
才思名場困頓生計蕭疎家同原憲之貧巷似顏
回之陋于是乞食天涯依入簷際跋涉山水奔馳
霜露一館一舍幾歲幾年寂寥傷懷莫可告語而
其爲詩調高以悲律細而嚴不窮而能若是乎卽
其韻凄金石聲泣神鬼有如深林月暗子規啼血
寒山古木哀猿嘯風江海之濱道塗之側羈旅無
家之子懷才鬱伊之夫讀樹聲詩其能無淒然涕
零感傷中來也乎自昔樹聲俯仰花月流連翹爨

求拙齋遺詩

序

所得歌咏輒自散棄邇者三年楚漢一水荆吳家
有倡隨之聲文得江山之助於是詩以窮愁而日
積格以中年而益蒼孰知才與命妨學隨病進有
傷于生無益于死而其落落百篇琅琅七字不知
者以爲行行太白藏府之錦也知之者以爲字字
昌谷心肝之血也觀其削繁去蕪寫爲善本去死
之時曾不數月嗟夫往歲三更燈火淒涼孤館之
吟此時乙夜風霜寂寞秋墳之唱傷心之境有如
此耶昨者扶鸞之夜君實武憑謂君前生固上清

香案吏也昔曾歷劫今當返真哀樹聲者破涕爲
笑固知才子卽是天仙振鐙少同臭味重以姻親
拾君羽毛壽之梨棗中宵枕上成此短言爰書簡
端以誌哀痛辛丑八月同邑錢振鐙序

求拙齋遺詩

序

二



識以赫京融辛丑八月同邑錢振鐙序
餘昏墜手禱之槩棗中宵枕上成此短言爰書簡
端以誌哀痛辛丑八月同邑錢振鐙序
香案吏也昔曾歷劫今當返真哀樹聲者破涕爲

題辭

同邑袁慰黎

遊踪歷歷滿關河，憑弔冤魂到汨羅。才子從來多落魄，愁人自古有吟魔。生逢亂世文章賤，詩到窮途感慨多。此去仍爲香案吏，玉樓莫再賦悲歌。分袂江干未幾時，誰知死別卽生離。飄零踪跡留吳市，幽怨情懷學楚辭。歸夢常看千里月，行裝賸有一囊詩。不須短命悲顏子，慧業千秋無盡期。

同邑謝 泳

千里遨遊楚水頭，一枝彩筆未曾投。才華灑落今

求拙齋遺詩

題辭

難得翰墨零星，幸尙留客况頻年。添著作苦吟多，半爲窮愁與君數。載長相識珍重遺編篋裏收，豪懷常作不平鳴。醉後高吟滿座驚，可惜奇才偏早世。空將遺稿換微名，杜陵佳句囊中貯。漢水飛濤筆底生，今日修文天上去。羣仙隊裏奪先聲。

香案吏王懋真再題悲題

自古有吟魔，生逢亂世文章賤，詩到窮途感慨多。

吳市幽怨情懷學楚辭，歸夢常看千里月，行裝賸有一囊詩。

題辭

同邑袁慰黎

贈樹聲

錢振鏜

陽湖有蔣生身短手亦小恰有神技驚天神擘窠
大書古來少平生看帖不學帖手法不自古人得
始猶巖緊務結搆近復塗抹去雕飾一尺半尺不
足數三尺二尺更飛舞興如海發膽如雲筆如龍
蟠氣如虎字大於身心不知見者心驚舌爲吐魯
公作書亦復強似茲長大實未遑東坡才氣蓋天
下自言大字非其長鰈生捉筆亦自負亦擬與子
爲低昂叵奈嫩相未盡脫小手相失時驚張見君

求拙齋遺詩

贈詩

作字若無事對之百拜意未償前生止清香案吏
拔筆靈霄作書記

此語

果然天人自不凡漫漫塵

界難求似東家顏柳西歐褚曲腰埋頭費千楮十
年廿年未得筆臨書手縮色先沮嗚呼天生豪傑
本奇異白頭苦學成何事世人願學且自休須向
土清問前世誰能送爵塗淋去觀輪一只半只不
大書古來少平生看帖不學帖手法不自古人得
始猶巖緊務結搆近復塗抹去雕飾一尺半尺不
足數三尺二尺更飛舞興如海發膽如雲筆如龍
蟠氣如虎字大於身心不知見者心驚舌爲吐魯
公作書亦復強似茲長大實未遑東坡才氣蓋天
下自言大字非其長鰈生捉筆亦自負亦擬與子
爲低昂叵奈嫩相未盡脫小手相失時驚張見君

韻博覽

錢振鏜

求拙齋遺詩

陽湖蔣南棠樹聲

原名廷槐

答贈有林兩疊韻

一緘千里剖霜鱗
痛讀離騷氣不春
身內乾坤須有主
愁中歲月易磨人
秋風未鍛陵霄翮
塵海難湮罕代珍
富惜芳華貧愛骨
寥寥古意向君申
蹄涔豈得縱鯨鱗
日黯雲黃大海春
琴劍休教埋棘地
山林未許老詩人
泣麟有筆文終闕
市駿無臺骨愈珍
不自安排徒自苦
問君此意向誰申

求拙齋遺詩

求拙齋遺詩

臺骨枕上不自

安

一

殘月帶窻曙
西風搖樹枝
枕邊愁有淚
闈裏近無詩
離緒中年甚
孤鎿秋夜遲
呌醒千里夢
過雁向南時

讀家兄書感賦二律寄慰

愁雁分飛悵各天

江魚剖腹喜雙牋
風塵辛苦應多淚
家世清貧勉共肩
一卷文章艱活計
子身琴劍感華年
廬山眞面青青在
東望迷漫楚水煙

求拙齋遺詩

天涯歸夢雪霏霏夜館無人笑語稀惜別無心憎
月近耐寒有骨羨梅肥破袍自補難藏線冷被孤
眠怕脫衣一點殘燈愁照我憐吟憐醉總依依
十載天涯艱負米家貧游遠未爲非行行別淚緘
詩去夜夜鄉心逐雁飛苦索客囊慳歲酒忍忘母
線典征衣人生百感中年集怪底愁多髮漸稀

寄內

一天星斗轉寅杓歲莫關河意寂寥送酒殘年留
客幕依山獨夜比僧寮江梅野鶴閒情似楚水吳

求拙齋遺詩

一一

雲別夢遙還是闍中愁曷遣鐙前兒女弄癡嬌
思家愈苦愈無聊一片情瀾逐漢潮歸雁雲天難
翹借夜鐙風雨帶愁挑書言不盡詩還補夢到醒
時淚未銷別有依人閒冷况非君千里意能描
不管除年復歲朝客中意味總清寥聊賒村酒將
辭臘也折江梅當獻椒蓬矢壯心驚水逝楚山春
色待詩描萬家爆竹歡聲裡我獨荒城聽夜刁

世態

鹿服猴冠孤鼠伎離奇世態幻雲煙布衣疏傲根

天性筆舌鋒棱減少年貧賤不妨留我骨英雄豈肯受人憐艱危時局崎嶇路駑馬西風怕著鞭

此游

計利圖名兩子虛此游未必勝窮居酸鹹不少依人淚貧賤深慙讀父書羽健未還湘浦雁缺彈無味武昌魚夜來一枕思鄉夢風雪江南破草廬

步璞庵述懷原韻疊成三律

自笑狂生涉世疎平居自命果何如征鴻雨雪關山路駑馬風塵薄笨車五斗羞邀毛子檄一編願

求拙齋遺詩

三二

乞石公書不知元宰安排未叩帝無聲輒暗歎成事因人計本疎風塵艱險復何如窮途挾骨誰酬劍此地狂歌獨下車十載求名虛左券千金致富少奇書庸庸耳目茫茫路仰首長嗟俯短歎豈真遇嗇抑才疏少亦猶人壯不如浪說封侯輕擲筆也隨俗客此停車一家衣食千鈞擔兩字清貧幾卷書酒後鐙前風雪夜怕提心事動長歎

磯頭晚眺

獨立平原日暮天石磯西畔水雲邊載來野艇人

三兩落到風帆路幾千江鳥饑餐沙岸雪陣鴉掠
碎楚山煙歲闌情緒關河感自笑窮游不計年

感懷

寒齋寂寂冷於僧一點愁心半夜鐙賴有酒杯澆
劍氣其如世變慨觚棱塵轅局曲空羣驥煙海迷
茫脫鞴鷹十載江湖枵腹感差強人意我何曾

昔日雞窗今燕幕廿年誤我楮先生慣經貧賤甯
非福儘有文章不爲名贏得荆山完爾璞要從清
水濯吾纓蓬榛歧路風波海世事原難筆舌爭

求拙齋遺詩

四

黃鶴樓

昔有詩人弔黃鶴我來今日并無樓白雲無恙青
山老獨立荒磯看白鷗

臘杪寄內

雪意荒寒逼短檠寥寥誰與話平生遣君別恨惟
兒女益我羈愁爲弟兄

俱多病

詩筆粗傳游况苦

感并

歲闌寂寂漢江濱山是鄰翁僕是親醉裏不知身

作客年來更苦墨磨人花看故里曾三月梅放荒
洲又一春有約難歸空自怨歸期恐欲問秋萼

苦游

獨宿枯腸數漏籤緘詩爭奈旅愁添十年硯稅無
梁肉累世家風靳米鹽嚙指辛勤慈母望擔書落
魄弟兄兼依人客况終清苦買醉偏憐夢味甜
寄人籬下一書備當世誰知落落胸風吼林梢狂
似虎雪當杯酒飲如龍山城月黑宵巡柝神漢湖
來夜打鐘壯不如人豪未已醉餘詩卷吐長虹

求拙齋遺詩

五

伯牙琴臺

古調不彈今已久兩人千載亦仙乎籟沈盤谷餘
猿鳥雲冷琴臺泣鷓鴣莽莽月湖遺迹在寥寥天
壤嗣音無空山月夜靈如出我爲先生一再呼

寄內

貧家韻事播裙釵覓看君詩到友儕最是阿儂愁
絕處兩人佳話說天涯

儒風

儒風首着苦猶甘旅思迢迢獨自諳一管欲銷豪

士氣兩年如坐老僧龕天生有我才何用事到依
人百不堪得屋三椽田百畝來兮歸去大江南

苦雨驟發
連朝苦雨阻游驄楊柳沙隄烟霧濛坐對荒山簾
不卷客愁何必訴東風

兩訪清甫留宿

天非留客住下榻故人情山靄欲無路江雲半入
城一燈含雨意萬弩枕潮聲撇卻心頭事春宵夢
穩成

求拙齋遺詩

鸞奴卽景

白雲籬落野人家浣女歸時日欲斜山是不毛田
是水沿江十里少桑麻

友詢客狀寄慰

半爲家貧半好遊將身遙寄楚江頭每愁風雨無
人過賴有湖山迹暫留名在千秋心未死交憑一
諾劍誰酬飄蓬祇好隨波轉此局原如不繫舟

八百曉霽

雨寒日日戀衾稠曙放晴光月尙留隔浦荒雞催

早起捲簾山鳥喚春游
片帆風急追雲影
曉樹烟開見市樓
換得一枝瀟灑筆
新詩不寫楚天愁

何能

事到因人總下乘
風塵饑走我何能
廿年墨甕埋頭漢
一個書龕有髮僧
俗餓逼人猶逐臭
平心入世已磨棱
紛紛時論翻新樣
畢竟文章不足憑

草木

草木自榮落山河成古今
近年秋士氣獨夜老禪心
鄉思榮吳會狂歌入楚音
茫茫天壤事著意感

求拙齋遺詩

七

人琴

襄河卽景

一館依栖襄水濱
夕陽獨步出郊闈
千檣商舶烟中聚
幾處江樓火後新
野艇時來紅粉隊
蠻山春斂翠眉顰
荒蕪青入平沙外
何處風光不染塵
山河莽蕩古荊州
客裏情懷得句酬
綠箬晚風漁子笛
紅欄落日酒家樓
人烟絕處來沙鳥
春水狂時戒渡舟
多少異鄉飄泊感
人生何事暫勾留

留別贈內

去年別恨落花霏今歲登程木葉稀
羨煞江南秋燕子年年作客總雙飛

自慨

世局榛蕪歎此時我生果爾樂無知
當今天下儒爲戲此後何人夏變夷
貧死不甘東郭乞壯年奈賦北門詩
何堪老母門閭望負米天涯計悔遲
生男有志光懸弧甘載於今愧故吾
絕少謀生權母子幸無交謫到妻孥
良心未喪貧何怪傲骨多磨氣更粗
畢竟孔顏真卓卓幾人不爲絕糧呼

求拙齋遺詩

八

壯夫

壯夫猶是畏風塵只苦睽離不苦貧
當世誰知名利險通才轉出綺羅身
愁郎作客先垂淚教女吟詩久費神
寄語千秋風雅匹百年休負眼前春

無聊

孔壁殘書陋巷瓢十年靜坐太無聊
人當失意天如夢時苦無閑日易消
酒後作書風掃葉愁中得句海奔潮
出門一笑誠何事誓向人間不折腰

去字落拓

落拓

半成落拓半風流惹得深閨百種愁笑我三生多
夙諦累他幾夜數更籌英雄只有情魔縛兒女從
教孽障留草草古今原盡夢幾人喚醒綺樓頭

欲雪

月黑歸時路行吟興轉睒雲低遲落雁風急阻歸
鴉冷覺添詩味寒偏憶酒家天將今夜雪著意逼

梅花

三尺

丈夫意氣本天生三尺龍泉劍欲鳴留得滿腔孤

求拙齋遺詩

九

憤血十年以後看橫行

答和

一家眷屬盡詩才怕聽牕前擊鉢催莫笑鯁生狂
太甚畫眉濃處筆花開

答和

綠翠劉潘草草古今賦盡蕪蕪人與劉繇蘇頌

風情翠嶺雙杏煖更籌英雄只有情魔縛兒女從

半成落拓半風流惹得深閨百種愁笑我三生多

